



SLUŽBENI GLASNIK OPĆINE KALESIJA

Godina: XXVIX

Ponedjeljak, 04.12.2006. godine
K A L E S I J A

Broj: 8

OPĆINSKO VIJEĆE

58

Na osnovu člana 41. Statuta općine Kalesija ("Sl. glasnik općine Kalesija", broj 7/03 i 12/05), člana 99. stav 1. Poslovnika o radu Općinskog vijeća Kalesija ("Sl. glasnik općine Kalesija", broj 5/06), Općinsko vijeće Kalesija, na sjednici održanoj 27.11. i 01.12.2006. godine, d o n o s i

ODLUKU

o izmjenama i dopunama Poslovnika o radu
Općinskog vijeća Kalesija

Član 1.

Ovom Odlukom vrše se izmjene i dopune Poslovnika o radu Općinskog vijeća Kalesija ("Sl. glasnik općine Kalesija", broj 5/06) i to:

- u članu 34. stav 4. mijenja se i glasi: "Predsjednik stalnog radnog tijela bira se iz reda vijećnika".
- u članu 37. stav 2. briše se,
- u članu 57. tačka 13. alineja 2. na kraju teksta briše se zarez i dodaju riječi: "nevladinog sektora i sektora biznisa".
- u članu 63. stav 2. iza riječi: "svečane", stavlja se zarez i dodaje riječ: "tematske".
- u članu 64. stav 3. na kraju teksta briše se tačka i dodaju riječi: "i u drugim slučajevima kad to odluči Općinsko vijeće".
- u članu 64. dodaje se novi stav 5. koji glasi: "Za vrijeme ljetnog odmora koji traje od 01.08. do 01.09. ne održavaju se sjednice Općinskog vijeća i njegovih radnih tijela. Izuzetno predsjedavajući ili zamjenik

predsjedavajućeg Općinskog vijeća ako to zahtijeva neodložna potreba može sazvati sjednicu Vijeća, a predsjednik radnog tijela Vijeća, sjednicu tog radnog tijela Vijeća".

Član 2.

Ova Odluka stupa na snagu danom objavljivanja u "Službenom glasniku općine Kalesija".

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj: 01-05-2-3202
Datum, 28.11.2006. godine

PREDSJEDAVAJUĆI
OPĆINSKOG VIJEĆA

Hata Mujčinović, dipl. ing. tehn. s.r.

59

Na osnovu člana 35. Zakona o principima lokalne samouprave ("Sl. novine FBiH", broj 49/06), člana 41. Statuta općine Kalesija („Sl. glasnik općine Kalesije”, broj 7/03 i 12/05), Općinsko vijeće općine Kalesija na svojoj sjednici održanoj dana 27.11. i 01.12.2006. godine, d o n o s i

ODLUKU

o uslovima i načinu dodjele na korištenje
kompleksa kasarne "Masle"
u G.Vukovijama

I

Ovom Odlukom utvrđuju se uslovi i način dodjele kompleksa kasarne "Masle" u G. Vukovijama sa dijelom pripadajućeg zemljišta izgrađenu na parceli označenoj sa

kč.broj 1379 KO Vukovije ukupne površine 28216 m² po novom premjeru, period na koji se dodjeljuje kompleks kasarne i nadležnost za potpisivanje ugovora.

II

Kompleks kasarne «Masle» sa dijelom pripadajućeg zemljišta u površini od 14500 m² u G. Vukovijama može se dodijeliti u zakup fizičkim i pravnim licima za obavljanje djelatnosti iz oblasti: kulture, sporta, zanatstva, proizvodno-privrednih kapaciteta, poljoprivrede, kao i dodjela JZU „Dom zdravlja“ Kalesija za obavljanje njihove djelatnosti.

IV

Period trajanja zakupa ne može biti duži od 9 godina.

V

Kompleks kasarne «Masle» sa pripadajućim zemljištem se dodjeljuje putem dostavljanja pismenih ponuda, a po proceduri koju će provesti Komisija za dodjelu gradskog građevinskog zemljišta općine Kalesija.

VI

Minimalna cijena za dostavljanje pismenih ponuda za kompleks kasarne «Masle» sa pripadajućim zemljištem u površini od 14500 m² iznosi 1000 KM (hiljadu KM) mjesečno.

VII

Ugovorom o zakupu kompleksa kasarne «Masle» G.Vukovije precizirat će se ostali uslovi dodjele nekretnina, a koji nisu regulisani ovom odlukom i koji će u ime općine Kalesija potpisati općinski načelnik.

VIII

Ova Odluka stupa na snagu danom objavljivanja u «Službenom glasniku općine Kalesija».

60

Na osnovu člana 41. Statuta općine Kalesija (“Sl. glasnik općine Kalesija”, broj 7/03 i 12/05), člana 144. stav 1. Poslovnika o radu Općinskog vijeća Kalesija (“Sl. glasnik općine Kalesija”, broj 5/06), Općinsko vijeće Kalesija, na sjednici održanoj 27.11. i 01.12.2006. godine, d o n o s i

ZAKLJUČAK

o izradi prečišćenog teksta Statuta općine Kalesija

I

Ovim zaključkom nalaže se izrada prečišćenog teksta Statuta općine Kalesija.

II

Prečišćen tekst iz tačke I Zaključka će utvrditi Komisija za statutarna pitanja i propise.

III

Ovaj Zaključak stupa na snagu danom objavljivanja u “Službenom glasniku općine Kalesija”.

61

Na osnovu člana 13. stav 2. Zakona o principima lokalne samouprave (“Sl. novine FBiH”, broj 49/06), člana 41. Statuta općine Kalesija (“Sl. glasnik općine Kalesija”, broj 7/03 i 12/05) i Zaključka Općinskog vijeća Kalesija sa nastavka 18. redovne sjednice održanog dana 09.10.2006. godine, Općinsko vijeće Kalesija, na sjednici održanoj 27.11. i 01.12. 2006. godine, d o n o s i

KRITERIJE

o raspodjeli sredstava namijenjenih za podsticaj u razvoju poljoprivredne proizvodnje na području općine Kalesija za 2006. godinu

Član 1.

Novčana sredstva planirana budžetom općine za 2006. godinu pod stavkom: "Podsticaj u razvoju poljoprivredne proizvodnje" u iznosu od 50.000 KM utrošit će se u svrhu podrške razvoja stočarske proizvodnje, odnosno preventivnog djelovanja u sprečavanju nastanka ili širenja zaraznih bolesti (TBC, bruceloze, leukoze, leptospiroze, bolesti vimena) kod goveda – muznih krava (u daljem tekstu: grla).

Član 2.

Pravo na korištenje sredstava iz člana 1. ovih kriterija imaju svi imaoци grla na području općine Kalesija, izuzev onih koji su to pravo iskoristili po drugom osnovu, odnosno čija grla su prijavljena u otkupnim stanicama mlijeka gdje se vrši organizovan otkup mlijeka.

Član 3.

Sve aktivnosti koje se odnose na kontrolu zdravstvenog stanja grla od evidentiranja grla, vađenja krvi do dobijanja nalaza o zdravstvenom stanju preuzet će JP "Veterinarska stanica" Kalesija i to po cijeni od 50,00 KM po grlu, a koju je utvrdilo kantonalno Ministarstvo za poljoprivredu TK.

Član 4.

Ukoliko broj grla za koje je potrebno vršiti kontrolu zdravstvenog stanja bude veći od 1000 komada, zadužuje se JP "Veterinarska stanica" Kalesija da pokuša iznaći mogućnost da uradi i preostali broj grla.

Član 5.

Zadužuje se direktor JP "Veterinarska stanica" Kalesija da po završetku kontrole zdravstvenog stanja grla, a najkasnije do kraja marta 2007. godine Općinskom vijeću Kalesija dostavi informaciju o sprovedenoj kontroli u kojoj pored ostalog mora biti sadržano i sledeće:

- prezime i ime vlasnika grla,
- Mjesna zajednica i naseljeno mjesto boravka vlasnika,
- ukupan broj grla koje posjeduje vlasnik i broj grla nad kojima je izvršena kontrola,
- datum kontrole.

Član 6.

Za realizaciju i praćenje svih aktivnosti sadržanih u ovim kriterijima odgovorni su direktor JP "Veterinarska stanica" Kalesija i Služba za poduzetništvo i budžet.

Član 7.

Ovi Kriteriji stupaju na snagu danom objavljivanja u "Službenom glasniku općine Kalesija".

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj: 01-05-2-3205
Datum, 28.11.2006. godine

PREDSJEDAVAJUĆI
OPĆINSKOG VIJEĆA

Hata Mujčinović, dipl. ing. tehn. s.r.

62

Općinsko vijeće Kalesija po prijedlogu Općinskog pravobranilaštva Kalesija za utvrđivanje općeg interesa, a radi izgradnje prilaznog puta za potrebe pristupa Pravoslavnom groblju u Gojčinu, a na osnovu člana 41. Statuta općine («Sl. glasnik općine Kalesija», broj 7/03 i 12/05) i člana 15. Zakona o eksproprijaciji («Službeni list SRBIH», broj: 12/87), na sjednici održanoj dana 27.11. i 01.12.2006. godine, d o n o s i

R J E Š E N J E

Utvrđuje se da je od općeg interesa izgradnja prilaznog puta za Pravoslavno groblje u Gojčinu, i da se u tu svrhu može pristupiti eksproprijaciji zemljišta označenog kao k. č. broj 1502/10, ukupne površine 39.600 m² upisane u z. k. uložak broj 494, k. o. Gojčin u suvlasništvo Makalić (Ejuba) Adem, Makalić (Ejuba) Fejzo, Makalić (Ejub) Džanana, Makalić (Ejuba) Hatka, Makalić (Ejuba) Hurija svi iz Gojčina, a po novom premjeru upisano u PL 711 KO Gojčin u posjed Makalić Džanana Ćazim iz Gojčina,

O b r a z l o ž e n j e

Općinsko pravobranilaštvo Kalesija kao zakonski zastupnik Općine, obratilo se Općinskom vijeću sa prijedlogom za utvrđivanje općeg interesa broj: Op. 12/2006 od 22.11.2006. godine, a radi izgradnje prilaznog

puta Pravoslavnom groblju u Gojčinu, jer isto nema pristupni put te da se u tu svrhu pristupi eksproprijaciji zemljišta navedenog u dispozitivu ovog rješenja.

Na osnovu izvršenog uvida u Zemljišne knjige za KO Gojčin ustanovljeno je da je ZK uložak broj 494 izgorio za vrijeme 2. Svjetskog rata, a kao suvlasnici na parceli su navedena lica opisana u dispozitivu rješenja. U skladu sa Zakonom o eksproprijaciji, a prije donošenja rješenja, nadležni općinski organ raspraviće kao prethodno pitanje vlasničke odnose na nekretninama

Površina prilaznog puta utvrdiće se u postupku eksproprijacije zemljišta, a po prijedlogu samog predlagača eksproprijacije.

Pošto se prijedlogom za utvrđivanje općeg interesa obuhvata i obradivo poljoprivredno zemljište, saglasno članu 16. Zakona o eksproprijaciji pribavljeno je mišljenje Mjesne zajednice Gojčin broj 25/06. od 23.11.2006. godine, iz kojeg proizilazi da je izgradnja prilaznog puta na navedenom zemljištu opravdana, jer će navedeni put predstavljati važan infrastrukturni objekat, što predstavlja veći interes za zajednicu nego što predstavlja poljoprivredna obrada zemljišta.

Razmatrajući prijedlog i pribavljeno mišljenje Općinsko vijeće je utvrdilo da je od općeg interesa izgradnja prilaznog puta na području ove Općine, jer će to povećati postojeću infrastrukturu Općine, a takođe obezbijediti nesmetan i normalan prilaz Groblju.

Iz pribavljenih priloga utvrđeno je da je najpogodnija izgradnja na predloženom mjestu.

Na osnovu izloženog odlučeno je kao u dispozitivu.

Protiv ovog rješenja ne može se izjaviti žalba, niti se može pokrenuti upravni spor.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE

Broj: 01-05-2- 3206

Datum, 28.11.2006. godine

PREDSJEDAVAJUĆI
OPĆINSKOG VIJEĆA

Hata Mujčinović dipl. ing. tehn. s.r.

63

Na osnovu člana 41. Statuta općine Kalesija ("Sl. glasnik općine Kalesija", br. 7/03, 12/05), člana 6, člana 8. Zakona o komunalnim djelatnostima ("Sl. novine TK", br. 11/05), Općinsko vijeće Kalesija na sjednici održanoj dana 27.11. i 01.12. 2006. godine, d o n o s i

PROGRAM

za obavljanje komunalnih djelatnosti
zajedničke potrošnje na području
grada Kalesije u 2007. godini

UVOD

Karakteristika ovih poslova je da su raznorazni po vrstama, da se odvijaju na različitim mjestima i različitim vremenskim periodima (godišnjim dobima), a zajednička im je osobina da se ponavljaju svake godine.

Svrha izrade ovog programa je godišnje planiranje angažovanja radne snage i sredstava rada kao i dimenzionisanje potrebnih kapaciteta.

Program obuhvata radove zajedničke komunalne potrošnje po vrstama i količinama.

Izrada ovog programa je bitna za KP «Komunalac» d.d. Kalesija jer su njime planirani poslovi i predviđena odgovarajuća sredstva za obavljanje istih.

Pri izradi su uzimane stvarne količine radova i korišteni normativi rada za komunalne usluge.

Kontrolu i nadzor nad izvršenjem poslova iz ovog programa vršit će organ ili ustanova određena od strane Općine.

Ovaj program je obuhvatio i poslove zimske službe.

Osnovni cilj ovog programa je da se obezbijedi kontinuitet izvođenja radova na poslovima zajedničke komunalne potrošnje i obezbjeđenje trajnih izvora finansiranja kako ne bi dolazilo do zastoja na izvođenju pomenutih poslova.

Jedna od osnovnih djelatnosti KP «Komunalac» d.d. Kalesija je obavljanje djelatnosti zajedničke komunalne potrošnje na području grada Kalesije.

Općinski načelnik će sklopiti poseban Ugovor o obavljanju komunalnih djelatnosti zajedničke komunalne potrošnje sa

KP "Komunalac" d.d. Kalesija, kojim će se precizirati ostali uslovi provođenja Programa.

VRSTE KOMUNALNIH DJELATNOSTI ZAJEDNIČKE KOMUNALNE POTROŠNJE

Djelatnosti zajedničke komunalne potrošnje svrstavaju se u tri osnovne kategorije, a to su:

1. Prva kategorija

Radovi održavanja higijene u gradu, koje čine:

- 1.1. Čišćenje javno prometnih površina. Struganje lopatom rigola.
- 1.3. Pranje javno prometnih površina
- 1.4. Ručno sakupljanje otpadaka sa javnih površina.

2. Druga kategorija

Radovi na održavanju zelenila u gradu, a to su:

- 2.1. Proljetno čišćenje travnjaka
- 2.2.. Obrezivanje sadnica
- 2.3. Obrezivanje žive ograde
- 2.4. Košenje trave ručnom kosom ili kosilicom.
- 2.5. Nabavka i sadnja ukrasnog cvijeća

3. Treća kategorija

Radovi na sanaciji kolovoza ulica i obnavljanja zelenih površina

- 3.1. Popunjavanje udarnih rupa koje se jave na kolovozu ulica u gradu drobljenim kamenom.
- 3.2. Obnavljanje ugaženih zelenih površina.

4. Zimsko održavanje gradskih ulica

Skidanje snijega sa kolovoznih traka i čišćenje trotoara od snijega i leda.

Radovi se obavljaju mašinski i ručno.

KOLIČINA RADOVA ZAJEDNIČKE KOMUNALNE POTROŠNJE

1. Radovi na održavanju higijene u gradu.

1.1. Čišćenje javno prometnih površina.

Ova pozicija se sastoji od ručnog čišćenja sa širokom ili brezovom metlom, sakupljanje i odvoz smeća na gradsku deponiju.

Ova operacija se izvodi jedan puta sedmično. Obračun izvršenog posla se vrši po m² stvarne površine čišćenja. Za obračun stvarne površine čišćenja obuhvaćene su sledeće javne površine:

Ulice: Senada Pozegića, Kalesijskih brigada, Ulica Patriotske lige, Trg Šehida, Ul. Oslobođilaca Kalesije, Ul. Žrtava Genocida u Srebrenici,

te parkinzi: ispred Robne kuće na Trgu Šehida, parking između Robne kuće i «Zvorničanke», te parkinzi ispred zgrade «Bijeljinka», »Zvorničanka», »Sprečanka», »Novi Mup» te Doma kulture i Crvene zgrade.

Ukupna površina čišćenja iznosi :

- Ul. Patriotske lige (ulaz-izlaz centra)	= 1920 m ²
- Ul. Oslobođilaca Kalesije (sa parkinzima)	= 675 m ²
- Trg Šehida	= 1000 m ²
- Parking kod MUP-a	= 100 m ²
- Parking kod «Bijeljinke»	= 300 m ²
- Parking iza Robne kuće (konoba Bosna)	= 300 m ²
- Ul. Senada Pozegića (prema Domu zdravlja)	= 720 m ²
- Ul. Žrtava genocida u Srebrenici	= 1.015 m ²
- Ul. Kalesijskih brigada (ulaz-izlaz centra)	= 1.500 m ²
UKUPNO:	7.530 m²

1.2. Struganje lopatom rigola.

Ova operacija se sastoji od ručnog struganja lopatom nabijenih zemljanih i sličnih naslaga na rubu kolovoza, u rigolu uz ivičnjak sa odvozom sakupljenih otpadaka na deponiju.

Ova operacija se izvodi jednom mjesečno u ulicama koje imaju izvedene rigole ili ivičnjake, a uzima se širina 0,5 m sa svake strane kolovoza.

Obuhvataju se : Ulica Patriotske lige, Ul. Kalesijskih brigada i ul. Žrtava genocida u Srebrenici računa se površina od 500 m².

1.3. Pranje javno prometnih površina

Ova pozicija se sastoji od pranja iz cisterni asfaltnih površina kolovoza, trotoara i parkova.

Ove površine se peru jednom sedmično.

Ukupna površina koja se pere iznosi 6.830 m², a obuhvata Ulice Kalesijskih brigada (trotoari), Patriotske lige, Ul. Senada Pozegića, Trg Šehida, Ul. Oslobođilaca Kalesije i Ul. Žrtava genocida u Srebrenici.

Obračun se vrši po m² javne površine.

1.4. Ručno sakupljanje otpadaka sa javnih površina.

Otpaci se ručno sakupljaju sa svih površina koje se ne čiste metenjem, a to su travnjaci uz trotoare i parkovi.

Za obračun se uzima 50% površine travnjaka, a čišćenje se obavlja jednom nedeljno.

Ukupna površina koja se čisti iznosi 3 765,0 m².

2. Radovi na održavanju zelenila

2.1. Proljetno čišćenje travnjaka

Obavlja se čišćenje zelenih površina od raznih otpadaka koji se nakupe u toku zime, a sakupljeni otpad se odvozi na deponiju.

Ovaj proces se obavlja jedanput godišnje.

Obračun radova se vrši po m² očišćenog travnjaka, a uzima se 50% ukupne površine koja iznosi 1.525 m² – jednokratno.

2.2. Obrezivanje sadnica

Obrezivanje i priprema grana drveća vrši se jednom u toku godine, a obračun se vrši po komadu zasađenog drveta (cca 20 komada).

2.3. Obrezivanje žive ograde

Obrezivanje žive ograde se obavlja sa škarama, a grane se sakupljaju i odvoze na deponiju.

Obračun se vrši po m² u horizontalne projekcije živice.

Operacija se izvodi prosječno šest puta godišnje, a ukupna površina iznosi 322 m².

2.4. Košenje trave ručnom kosom ili ksilicom

Operacija se obavlja ručnom kosom ili ksilicom, a obračun se vrši po m² površine travnjaka

Prosječno šest puta godišnje se kosi, a ukupna površina iznosi 2.050 m².

2.5. Nabavka i sadnja ukrasnog cvijeća

U toku godine obavlja se u proljeće i jesen, a obračun se vrši po jednoj zasađenoj sadnici.

3. Radovi na sanaciji kolovoza ulica i obnavljanja zelenih površina

3.1. Popunjavanje udarnih rupa koje se jave na kolovozu ulica u gradu drobljenim kamenom.

3.2. Obnavljanje ugaženih zelenih površina.

Ova vrsta radova se obavlja na osnovu ukazane potrebe uz posebno izdavanje naloga.

4. Zimsko održavanje gradskih ulica

Radovi na čišćenju snijega sa kolovoznih traka i trotoara u zimskom periodu će se obavljati mašinski i ručno. Skidanje leda sa trotoara obavljat će se ručno i prema potrebama vremenskih prilika. Površina koja se čisti je minimalno 7 530 m², a po potrebi može se uvećati prema zahtjevu Općine.

Za potrebe obavljanja poslova zajedničke komunalne potrošnje, potrebno je u proračunu Općine planirati **48.000 KM**.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE

Broj: 01-05-2926
Datum, 28.11.2006. godine

PREDSJEDAVAJUĆI
OPĆINSKOG VIJEĆA

Hata Mujčinović, dipl. ing. tehn. s.r.

S a d r Ź a j

OPĆINSKO VIJEĆE	Strana
58. Odluka oizmjenama i dopunama Poslovnika o radu Općinskog vijeća Kalesija	106
59. Odluka o uslovima i načinu dodjele na korištenje kompleksa kasarne "Masle" u G. Vukovijama	106
60. Zaključak o izradi prečišćenog teksta Statuta općine Kalesija	107
61. Kriteriji o raspodjeli sredstava namijenjenih za podsticaj u razvoju poljoprivredne proizvodnje na području općine Kalesija za 2006. godinu	107
62. Rješenje o utvrđivanju općeg interesa ...	108
63. Program za obavljanje komunalnih djelatnosti zajedničke potrošnje na području grada Kalesija u 2007. godini.....	109